

	<ul style="list-style-type: none"> <li>▪ obavlja i druge poslove i zadatke po nalogu predsjednika Pravosudne komisije, sekretara i šefa Službe informacionih sistema.</li> </ul>
Posebni uslovi	<ul style="list-style-type: none"> <li>▪ srednja stručna sprema - IV stepen, završena četverogodišnja srednja tehnička škola ili druga srednja škola tehničkog smjera,</li> <li>▪ najmanje 6 (šest) mjeseci radnog iskustva u struci na istim ili sličnim poslovima,</li> <li>▪ posjedovanje certifikata za obavljanje poslova tehničke zaštite,</li> <li>▪ položen ispit za rad u organima uprave,</li> <li>▪ poznavanje rada na računaru.</li> </ul>
Broj izvršilaca	tri
Platni razred	V
Platni podrazred	5

**DIO ČETVRTI – PRELAZNE I ZAVRŠNE ODREDBE****Član 10  
(Stavljanje van snage)**

Stupanjem na snagu ovog pravilnika stavlja se van snage Pravilnik o unutrašnjoj organizaciji i sistematizaciji radnih mjesta u Stručnoj službi Pravosudne komisije Brčko distrikta BiH broj: SuPK-1227/09 od 09.11.2009. godine, broj SuPK: 433/10 od 06.04.2010. godine, broj: SuPK-482/11 od 13.06.2011. godine, broj: SuPK 1082/12 od 13.07.2012. godine, broj: SuPK-641/13 od 26.04.2013. godine, broj: SuPK-1189/15 od 04.09.2015. godine, broj: SuPK-1676/15 od 30.11.2015. godine i broj: SuPK-1593/17 od 22.09.2017. godine.

**Član 11  
(Stupanje na snagu)**

- (1) Ovaj pravilnik stupa na snagu danom usvajanja od strane Pravosudne komisije.
- (2) Izuzetno od odredbe stava 1 ovog člana, u dijelu koji se odnosi na sistematizovani platni razred i podrazred zaposlenih u Stručnoj službi, ovaj pravilnik stupa na snagu počev od 1. 7. 2019. godine, a do tada se ima primijeniti prethodno važeći Pravilnik o unutrašnjoj organizaciji i sistematizaciji radnih mjesta u Stručnoj službi Pravosudne komisije.

**Član 12  
(Objava)**

Ovaj pravilnik će biti objavljen u Službenom glasniku Brčko distrikta BiH i na internet stranici Pravosudne komisije.

Broj: SuPK-03-1571/20  
Brčko, 21. 12. 2020. godine

**PREDSJEDNIK  
PRAVOSUDNE KOMISIJE**  
Safet Pizović, s. r.

**90**

Pravosudna komisija Brčko distrikta Bosne i Hercegovine, na osnovu odredbe člana 192 Zakona o krivičnom postupku Brčko distrikta Bosne i Hercegovine (Službeni glasnik Brčko distrikta Bosne i Hercegovine, br. 33/13 – prečišćeni tekst, 27/14, 03/19 i 16/20) i odredbe člana 14 stava 1 tačke u) Zakona o Pravosudnoj komisiji Brčko distrikta Bosne i Hercegovine (Službeni glasnik Brčko distrikta Bosne i Hercegovine, br. 19/07, 20/07 i 02/08), na 221. redovnoj sjednici održanoj 29. 01. 2021. godine donosai

**ODLUKU  
O DOPUNI ODLUKE O NAKNADI TROŠKOVA KRIVIČNOG  
POSTUPKA PREMA ZAKONU O KRIVIČNOM POSTUPKU U  
BRČKO DISTRIKTU BOSNE I HERCEGOVINE**

**Član 1**

U Odluci o naknadi troškova krivičnog postupka prema Zakonu o krivičnom postupku u Brčko distriktu BiH Pravosudne komisije Brčko distrikta BiH broj SuPK-79/07 od 24. 08. 2007. godine (Službeni glasnik Brčko distrikta BiH, broj 11/08), iza člana 37 dodaje se novi član 37a koji glasi:

„Član 37a  
(Porez na dodatu vrijednost)

Advokat koji je obveznik poreza na dodatu vrijednost, pored nagrade na ime zastupanja po službenoj dužnosti u skladu s ovom odlukom, ima pravo i na iznos na ime poreza na dodatu vrijednost.“

**Član 2****(Stupanje na snagu zakona)**

Ova odluka stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: SuPK-03-10/21  
Brčko, 29. 01. 2021. godine

**PREDSJEDNIK  
PRAVOSUDNE KOMISIJE  
BRČKO DISTRIKTA BiH**  
Safet Pizović, s. r.

**91**

Pravosudna komisija Brčko distrikta BiH na osnovu člana 14 stava 1 tačke d) Zakona o Pravosudnoj komisiji Brčko distrikta BiH (Službeni glasnik Brčko distrikta BiH, br. 19/07, 20/07 i 2/08) i članova 28 i 39 Zakona o Pravobranilaštvu Brčko distrikta BiH – prečišćeni tekst (Službeni glasnik Brčko distrikta BiH, br. 18/20) na 221. redovnoj sjednici održanoj dana 29. 01. 2021. godine donijela je

**ODLUKU  
O IZBORU I IMENOVANJU ZAMJENIKA PRAVOBRANIOCA  
BRČKO DISTRIKTA BiH**

**I**

Za zamjenika pravobranioca Brčko distrikta BiH, **izabran je i imenovan ADMIR MUSIĆ, sin Šahbaza, iz Brčkog.**